



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In  
Praxi, Et Foro Interno Quotidie Occurrentium, Omnibusque, Præsertim  
Ecclesiasticis, Qui Sui, Et Aliorum Curam Gerunt, Perutilium, Resolutorum

**Leonardelli, Bonaventura**

**Augustæ Vindelicorum ; Græcii, 1739**

Q. 1. An, & quando liceat depositario uti re deposita?

**urn:nbn:de:hbz:466:1-41144**

## C A S U S C.

### De Thesaurario pecuniis Principis negociante, & Creditorum solutiones retardante.

Pontianus cujusdam Principis Thesaurarius cum pecuniis Principis sibi concredit, eo infcio, negotiatur in suum maximum commodum, & lucrum, sine tamen Principis detrimento, & idcirco ob pecuniam negotiationi commissam non nunquam etiam retardat solutionem Creditorum Regis, aut in solutione unum præfert alteri, aliquid propterea ab eo petendo, & accipiendo.

QUÆR. I. An, & quando liceat depositario uti re depositâ?

QUÆR. II. An Pontianus lucrum illud possit in conscientia sibi retinere, anue Principi restituere teneatur?

QUÆR. III. An, & quomodo peccet Pontianus per oam Creditorum solutionem, & ad aliquam restitutionem teneatur?

595

**A**D I. Q. R. non esse hinc quæstionem de deposito pro casu, quò depositum transit in mutuum, & per consequens dominium rei depositæ pertinet ad depositarium, quo casu potest utique depositarius liberè ea re uti, eamque consumere, & quacunque ratione tunc peccet, ipsi depositario, & non deponenti, perit: sed quæstio hinc est de aliis depositi speciebus; ubi communis DD. affirmat per te lo-

quando nefas esse depositario re depositâ uti absque deponentis consensu, quia non est illi usus concessus, sed commissa duntaxat custodia: & hinc si contra deponentis voluntatem re depositâ utatur, non solum tenetur restituere domino rei valorem illius usus, sed etiam deponenti conceditur actio furti adversus illum, *l. furtum ff. de condiç. furt. l. 3. C. depositi, §. furtum autem &c.*

LII 2

Si



596 Si tamen res sit usu consumptibilis, uti pecunia, triticum, aut aliud in pondere, numero, aut mensura consistens, non censi, regulariter saltem, peccatum esse grave, si eam depositarius consummet in suum usum, si quidem certus sit, se tantundem æquè bonum in promptu habiturum, quod reddat deponenti, quando, & ubi is depositum repetet, docent S. Anton. p. 2. tit. 1. c. 15. §. 5. Molina D. 524. Lugo D. 33. Sect. 1. Less. l. 2. c. 27. n. 8. Laym. l. 3. rr. 4. c. 25. Sylvest. V. depositum n. 10. Navar. Rebell. aliique Rationem dant, quia tunc deponens non censetur rationabiliter invitus, adeoque tacitè consentire, eò quòd talis usus, vel alienatio non cedat in ipsius damnum, sed potius in commodum, quia sic res conservatur incolumis deponenti, etsi casu fortuito, vel culpa etiam levissima pereat, quæ aliàs tunc deponenti periret. Ad quem autem id, quod depositarius utendo re deposita lucratus est, pertineat, patebit ex mox dicendis. Unde

597 Ad 2. Q. R. id, quod Pontianus cum pecuniis Principis negotiando, cambiando &c. lucratus est, non ad Principem, sed ad ipsum Pontianum pertinere, modò is proprio nomine, & periculo pecunias exposuerit, & si quod fortè damnum Princeps inde esset passurus, velit, ac possit illud

compensare. Ita D. Anton. l. c. Molina citt. D. 524. Laym. l. c. Navar. c. 23. n. 94. Sotus, Rebell. Sylv. aliique, & habetur l. idemque, §. si mandavero &c. Ratio est, quia hoc lucrum non est rei, seu pecuniæ, sed industriæ, quam Pontianus adhibuit; cum enim pecuniæ non sint ex natura sua fructiferae, sed id habeant ex industria negotiantis, inde fit, ut quid quid illis comparat Pontianus negotiando, id totum, tanquam fructus suæ industriæ, eidem debeat; quemadmodum & usurarius, & fur quamvis restituere teneantur ea, quæ usurâ, & furto acceperunt, quæ tamen pecuniis ita acquisitis per licitam negotiationem lucrati sunt, restituere non tenentur, ut tenet communis apud Molin. D. 327. tenentur tamen hi restituere quodcumque damnum emergens, vel lucrum cessans ex injusta eorumdem detentione, sicut & Thesaurarius si propter ejus negotiationem Principi lucrum cesset, vel damnum emergat, id totum Principi refarcire debet, uti & aliis Principis Creditoribus, pro quorum solutione pecuniæ illæ destinatae erant, si hi damnum aliquod passi sunt ex dilatione solutionis tempore convenienti non præstitæ.

Dixi supra, si proprio nomine, 598 & periculo pecunias exposuit &c. nam si pecuniæ exposita fuissent periculo Principis, ut hic jactu-  
ræ